



**COFNODION CYFARFOD MISOL 28<sup>AIN</sup> O AWST 2008 AM 6.30PM  
NEUADD Y DREF LLANBEDR P.S.**

**1. CROESO'R CADEIRYDD**

Croesawyd yr aelodau i'r Cyfarfod Misol gan y Maer Derek Wilson.

**YN BRESENNOL**

Y Maer Derek Wilson (Cadeirydd); Dirprwy-Faer Selwyn Walters;  
Cyng. Cecilia Barton; Andrew Carter; Elsie Dafis; John Davies;  
Margaret Davies-Evans; Greg Evans; Lynda Mason-George;  
Robert Phillips; Kistiah Ramaya & Dorothy Williams,  
Cyng. Sirol a Threfol Robert (Hag) Harris a'r Cyng. Sirol Ifor Williams.  
Y Blismones Jo Grey

Mr Mark Dyson; Martin Fitten; Yr Athro D.Austin. (Transition Llambled)

**2. YMDDIHEURIADAU**

Y Cyng. Chris Thomas. Gohebydd y Wasg Carl Stringer.

**3. DATGELU BUDDIANAU PERSONOL**

Dim.

**4. MENTER LLAMBED**

Cyn dechrau'r cyfarfod debyniwyd anerchiad gan Yr Athro D.Austin, Mr Martin Fitten a Mr Mark Dyson, cynrychiolwyr o Bwyllgor *Transition Llambled*. Nôd *Transition Llambled* yw lleihau y defnydd lleol o ynni. Clustnodwyd £105,000 o gronfa'r *Undeb Ewropeaidd* at y pwrpas hwn.

Ym Mis Hydref caiff amcanion *Transition Llambled* eu lansio ac ar yr un pryd fe mabwysiadir ei gyfansoddiad newydd. Bydd trafodaethau â thrigolion yr ardal ynglŷn ag arferiadau defnydd ynni'n dilyn, ac fel canlyniad caiff *Cynllun Cwmpiad Mewn Egni* ei lunio mewn ymgais i leihau'r defnydd. Yn ogystal ag arbed ynni, bydd y cynllun yn archwilio ffyrdd o gynhyrchu egni gan ddefnyddio gwynt, dŵr a choed. Anogir y ffyrdd hyn o weithredu gan y Llywodraeth ac y mae angen mewnbwm yn lleol.

Rhoddir ystyriaeth i gynhyrchu arian breiniol lleol a cheisio lleihad yn y defnydd o fagiau plastig.

Pleidleisiodd aelodau'r Cyngor Tref yn unfrydol i gefnogi'r fentr ac i gyflwyno llythyr o gymeradwyaeth. Agorir y Cyfarfod Agored yn swyddogol gan y Maer Derek Wilson ar y 16eg o Hydref mewn lleoliad i'w drefnu.

**5. CADARNHAU COFNODION Y CYFARFOD – 31/07/2008**

Cytunwyd eu bod yn gywir arwahân i'r frawddeg olaf ym mharagraff 6.5 parthed Loriau Trwm Hir & Llwythog sy'n defnyddio Stryd-yr-Eglwys a Bryn-yr-Eglwys. Adroddwyd fod ystyr y frawddeg yn anghywir (yn y fersiwn Saesneg yn unig) megis, "He suggested that a sign prohibiting lorries with the words *For Access Only* inscribed on the sign, would deter lorries from travelling up Bryn-yr-Eglwys but would permit the Somerfield lorries to do so". **Dylai ddarllen:** "He suggested that a sign prohibiting lorries with the words *For Access Only* inscribed on the sign would deter lorries from travelling up Bryn-yr-Eglwys but would permit the Somerfield lorries to travel as far as the Somerfield entrance only before turning into the store's car-park."

**6. PRIF FATERION SY'N CODI O'R COFNODION BLAENOROL**

**6.1 Cyfethol aelod newydd ar gyfer y Cyngor Tref:** Adroddwyd nad oedd un enw wedi ei gyflwyno i'r Cyngor Sir i ofyn am Etholiad. Nid oedd nifer o gynghorwyr o blaid cyfethol aelod newydd. Penderfynwyd disgwyl yr ymateb

swyddogol gan y Cyngor Sir cyn dod i benderfyniad terfynol. Roedd y cyngor a dderbyniwyd oddi wrth y *Gymdeithas ar gyfer Clercod Llywodraeth Leol* o'r farn y dylid gwneud pob ymderch i lenwi'r sedd gan fod cyfrifoldeb gan y CT i'w hetholwyr i sicrhau eu bod yn cael eu cynrychioli'n llawn.

- 6.2 **Darpariaeth o Arwyddion newydd ar gyfer y dref:** anfonwyd lythyr at y Cyngor Sir yn gofym am ganiatâd i leoli'r arwyddion; ar ôl derbyn caniatâd caiff yr arwyddion eu prynu oddi wrth y *Cwmni Sign of the Times*.
- 6.3 **Problem yn ymwneud â'r Manol ger fynedfa gefn yr Archfarchnad Somerfield:** adroddodd rheolwr yr Archfarchnad y bydd y broblem yn cael ei ddatrys yn fuan.
- 6.4 **Loriau Trwm Hir a Llwythog (TH&LL) sy'n teithio ar Stryd yr Eglwys:** ymateb oddi wrth y Cyngor Sir yn mynegi, cyn y gellir lleoli arwydd *Mynediad yn Unig* ar gyfer loriau TH&LL sy'n teithio Heol Bryn-yr-Eglwys byddai rhaid ymgymryd â phrosesau ymgynghorol a chyfreithiol angenrheidiol (i gymryd oddeutu 3-5 mis). Bydd y CSC yn trefnu lleoli dyfais cyfrif trafndiaeth ar yr heol i gasglu data'n ymwneud â LTH&LL a symudiadau eraill, er mwyn taflu gwybodaeth pellach ar y sefyllfa.
- 6.5 **Calor Pentref y Flwyddyn:** Byddai Is-bwyllgor yn cyfarfod ar gyfer llunio'r deithlen y beirniaid.
- 6.6 **Hysbyswrdd sydd wedi ei fandaleiddio ger llyfrgell y dref:** cytunwyd i geisio'r arain i atgyweirio'r hysbyswrdd. Bydd y Cwmni Yswiriant yn cwrdd â'r gost ychwaneg i £250.00.
- 6.7 **Cynllun Hyfforddiant ar gyfer Cynghorau Tref a Chymuned(ULLC):** bydd y modiwlau ar gael ar ddisg i gychwyn.
- 6.8 **Cymuned ar y Cyd:** Meithrin cyd-berthynas a siarteri ar gyfer awdurdodau unedol a chynghorau Cymuned a Thref; canllawiau terfynol Llywodraeth Cynulliad Cymru- dosbarthwyd y ddogfen yn ystod y cyfarfod olaf-erfynnid ar aelodau a oedd ym meddiant y llyfryn, i'w drosglwyddo i aelod arall, cyn gynted â phosibl.
- 6.9 **Cynllun Diogelwch a Chymunedol Ceredigion 2008-11: Partneriaeth Diogelwch Cymunedol Ceredigion:** dosbarthwyd y ddogfen yn ystod y cyfarfod olaf (y Cyng. H. Harris – y derbynnydd cyntaf)
- 6.10 **Arwydd "Rhowch Gyfle i Draffig o Gyfeiriad Arall"** – ebost oddi wrth y Cyngor Sir o'r 2ail o Awst yn mynegi nad oedd eu penderfyniad i beidio â chaniatau arwydd "Rhowch Gyfle i Draffig o Gyfeiriad Arall" wedi newid (rhesymau wedi eu amlinellu mewn cofnodion cynt) ac eu bod wedi cau pen y mwdwl ynglŷn â'r mater.

## 7. GOHEBIAETH

- 7.1 **Astudiaeth Adfywio Llanbedr PS**

Derbyniwyd gwybodaeth oddi wrth y Cyngor Sir yn datgan fod Adroddaid *Strategaeth Adfywio ar gyfer Llanbedr PS a'r Cyffiniau* wedi ei gwblhau gan *Ymgynghoriaeth Hyder*. Dywedwyd yn y llythyr fod *Cyngor Ariannu Addysg Uwch yng Nghymru* wedi comisyynu adroddaid ar gyfer Prifysgol Llanbedr PS a gallai cynnwys yr adroddiad ddylanwadu ar fwriadau *Hyder*. Cyflwynir adroddiad *Hyder* i Gabinet y Cyngor Sir ym mis Medi. Gobeithir asesu adroddiad y *Cyngor Ariannu Addysg Uwch yng Nghymru* ar yr un pryd.
- 7.2 **Gwahoddiad i gynghorwyr i Agoriad yr Arddangosfa gan Hannah Mason** yn dwyn yr enw *Organig Trefol* ar nos Sadwrn 30ain Awst rhwng 6.00-8.00pm, yn Neuadd y Dref.
- 7.3 **Cyfarfod Cyffredinol Blynyddol Tai Cantref:** Nos Iau 18fed o Fedi am 7.00pm – gwahoddiad. Penderfynwyd i gyflwyno ymddiheuriadau ar ran y Cyngor Tref.

- 7.4 **Dogfen Ymgynghorol:** *Cynigion ar gyfer Datblygu Addysg yng Ngheredigion:* angen ymateb erbyn y 4ydd o Ragfyr. Penderfynwyd i ddsbarthu'r ddogfen o fewn y pwyllgor gan ddechrau â'r Gyng C.Barton.
- 7.5 **Trwydded Arfaethedig (Proposed Cumulative Impact Area)** Tref Aberystwyth: Penderfynwyd dosbarthu'r ddogfen gan ddechrau gan y Cyng. H.Harris- angen ymateb erbyn y 30ain o Fedi.
- 7.6 **Dŵr yn casglu y tu allan i'r Orsaf Ambiwylans Llanbedr PS** - derbyniwyd gwybodaeth oddi wrth Mr Paul Williams CSC yn mynegi eu bod yn ystyried gosod gwter yn y man ble gesglir y dŵr.
- 7.7 **Gohebiaeth oddi wrth Dr Abbas** yn cynnig defnydd o gaeau/tir yr hen ysgol Highmead i gynnal gemau pêl-droed a digwyddiadau megis *Y Ffair Fwyd*. Penderfynwyd diolch iddi am ei chynnig; efallai y gellir ei ystyried yn ystod y dyfodol. (01570 481142 (gartref)); (01570 490166 (Swyddfa)).
- 7.8 **Cyngor yr Henoed Ceredigion – dosbarthu pecynnau “Cadw'n Gynnes”** mi fyddant yn cael eu dosbarthu ym Mhenmorfa ar y 9fed o Hydref. Y Maer i fynychu'r cyfarfod.
8. **CYNLLUNIO**  
**Derbyniwyd 2 dyfarniad fel a ganlyn:**
- 8.1 **Codi estyniad y tu cefn i'r adeilad**, Rhif 4 Teras Glandulais, Llanbedr PS SA48 7HP. Ymgeiswyr: DE & BS Jones, Maes y berllan, Cellan, Llanbedr PS. Rhif y Cais: A080472.
- 8.2 **Creu mynediad newydd i'r ysgol a maes parcio'r pwll nofio;** Ysgol Gyfun Llanbedr PS. Ymgeisydd CSC. Rhif y Cais: A071312CD.
- 8.3 **Bu'r Panel Archwilio'r Safleoedd CSC yn cwrdd ar Safle'r Garej Mountwalk**, Mountwalk, Llanbedr PS yn gynharach yn ystod y dydd. Y Bwriad: Dymchwel y garej cyfredol a chodi 3 fflat. Datgelir canlyniad y cyfarfod i aelodau'r Cyngor Tref maes o law.
9. **CYLLID**
- 9.1 **INCWM :Ad-daliad TAW** £7,750.61; **Ad-daliad Treth Incwm:** £150.00 gan fod y Clerc wedi cwblhau y ffurflen Treth Incwm Blynnyddol ar-lein am y flwyddyn ariannol 2007-08; **Tŷ Bwyta Ling-di-Long** Tâl aelodau £324.00 **TALIADAU:Cyflog y Clerc** £463.95; **Treth Incwm** £86.58; **Gwres /Golau/Costiau Storio:** £20/00 **Tŷ Bwyta Ling-di-Long** Tâl aelodau £324.00
- 9.2 **Derbyniwyd dystysgrif gan yr Elusen Ambiwylans Awyr Cymru** am y cyfraniad diweddar o £50.00.
- 9.3 **Cafwyd llythyr oddi wrth Cyngor yr Henoed Ceredigion** yn diolch am y rhodd o £50.00. Bydd y cyfraniad yn eu galluogi i barhau i ddarparu gwasanaethau sydd eu hangen yn aruthrol ar gyfer pobl hŷn Ceredigion.
- 9.4 **Derbyniwyd llythyr oddi wrth yr Elusen Marie Curie** - Gofal mewn Cancr. Yn ystod y flwyddyn hon yn unig, gobeithir darparu gofal am fwy na 2,000 o bobl yng Nghymru ag effeithiwyd gan gancr.
10. **MATERION YN YMWNEUD Â R HEDDLU**
- 10.1 **Adroddodd y Blismones Jo Grey fod Adolygiad ar gyfer yr Ardal Di-Alcohol** Arfaethedig wedi ei gwblhau 3 wythnos yn ôl, ond nid oedd mewn sefyllfa i ddatgelu'r Cyngor Tref canlyniad yr Adolygiad, sydd wedi ei seilio ar feini prawf arbennig. Bydd yr heddlu'n cyflwyno'r Adroddiad ar gyfer ystyriaeth i bwyllgor *Partneriaeth Diogelwch Cymunedol Ceredigion* a drefnwyd ar gyfer yr 11eg o Fedi, cyn cyrraedd penderfyniad. Bydd gan y CT yr hawl i wneud apêl os caiff eu cais am y fath Ardal ei wrthod.
- 10.2 **Soniodd y Blismones Jo Grey am sawl burgleriaeth** yn yr ardal ee Banc Natwest; Siop y Crown Williams ac yn Nhregaron.

## 11. IS-BWYLLGORAU

### 11.1 PALMANTAU

Adroddwyd fod namau ar y palmant – ar y tro i Siop Gwilym Price ac ar y palmant Stryd Sant Thomas sy'n arwain at yr hen feddygfa - i hysbysu'r Cyngor Sir.

### 11.2 LLWYBRAU CERDDED

**11.2.1 Cytunodd y Cyng Carter** i glustnodi sylw pellach i'r

llwybr cerdded sy'n arwain o'r Eglwys Sant Pedr i'r Ystâd Maesyderi.

**11.2.2 Rhaid cyflwyno'r anfonebau parthed** y Cynllun Llwybrau Cymunedol

CSC erbyn y 1af o Hydref. Dylai'r CT dderbyn 75% o'r £1,000

cymhorthdal ar gyfer clirio a thrwsio llwybrau megis 61/12; 62/7+8;

62/14; 61/20; 61/15; 61/18+14; 61/16+11; 62/11 yn ogystal â llwybr

cerdded Coedwig Olwen – gwaredu â changhennau a dail, ymwneud â

ffosydd a thrin yr arwyneb. Derbyniwyd gwybodaeth o'r CSC ynghanol

Awst yn sôn y dylai mwyafrif y gwaith wedi ei gwblhau erbyn hynny.

### 11.3 CTCC

**11.3.1 Ymweliad â'r Ystafell Reoli**

Trefnwyd 2 ymweliad ar gyfer Nos Lun 20fed o Hydref ac ar Nos Iau 23ain o Hydref am 7.30pm.

**11.3.2 Partneriaeth Diogelwch a Chymunedol Ceredigion Fforwm CTCC:**

penderfynwyd enwebu'r Cyng. R.Phillips i gynrychilo'r CT ac

fel aelod o'r Fforwm CTCC dros gyfnod o flwyddyn. Trefnwyd y

cyfarfod cyntaf ar gyfer yr 2ail o Hydref.

**11.3.3 Adroddiad Misol ar gyfer Gorffennaf CSC:** bu yna un cais gan yr

heddlu i edrych ar ddeunydd digidol yn ymwneud â lladrad.

Adroddwyd fod 2 gamera wedi dioddef problemau'n ystod y mis megis

*absenoldeb cyfleuster chwyddo a dolen fonitro ddiffygiol.* Cafodd yr

anawsterau eu hatgyweirio o fewn dyddiau.

## 12. U.F.A.

**12.1 Dywedoddy Gyng. D.Williams** y byddai'n cydymdeithio gyda'r Maer i

Landudno ar gyfer *Seremoni Gwobrwyo Cymru yn ei Blodau* ynghanol mis Medi. Derbyniodd Tref Llanbedr PS yr ail safle'n y gystadleuaeth.

**12.2 Adroddodd y Cynghorydd Walters** ar ran trigolion Heol Llanwnnen fod y

bagiau tryloyw ar gyfer ail gylchu'n cael eu casglu ochr yn ochr â'r bagiau

duon sbwriel a gresynwyd efallai na chânt eu hail-gylchu. Sicrhawyd aelodau

fod y bagiau tryloyw yn cael eu gwahanau oddi wrth y bagiau duon a bod eu

cynnwys yn cael eu hailgylchu.

**12.3 Datganwyd llongyfarchion i'r Cyng. Greg Evans** am gynnig gwasanaeth

bostio penigamp.

**12.4 Cydymdeimlwyd â'r Gyng. Elsie Dafis** ar farwolaeth trist ei thad.

**12.5 Diolchodd y Gyng. Margaret Davies-Evans** am y rhoddion/cardiau a

dderbyniwyd adeg ei salwch yn ddiweddar. Braff oedd ei gweld yn bresennol

yn y cyfarfod a'i bod wedi gwneud adferiad llawn.

*Daeth y cyfarfod i ben am 7.35pm.*

**13.** Dyddiad y cyfarfod nesaf: Nos Iau 25ain o fedi am 7.30pm.

### DALIER SYLW:

Ni ystyriwyd nifer o faterion a oedd yn codi yn ystod y cyfarfod hwn oherwydd prinder amser, gan fod trefniadau wedi eu gwneud i fynychu cinio arbennig ar gyfer y gyn.Gyng. Hazel Davies i ddechrau am 8.00pm.

I Gynnwys:

1. Gweithgaredd Codi Arian ar gyfer Eisteddfod yr Urdd Ceredigion 2010;
2. Ymholiad Côt Post – Mr Picton Jones;
3. Cynllun Cadwch Cymru'n Daclus (Cyng. C.Thomas)
4. Ymholiad S.Davies ar gyfer trefniant torri gwair- cae yr hen ysgol gynradd;
5. Cyflwyniad o bosibl: Tai Ceredigion: Cyng H.Harris.